



Republika e Kosovës
Republika Kosova – Republic of Kosovo
Qeveria – Vlada – Government
Ministria e Zhvillimit Rajonal
Ministarstvo za Regionalni Razvoj
Ministry of Regional Development



UNIVERSITETI I PRIZRENIT
"UKSHIN HOTI"
PRIZREN/KOSOVË

MEMORANDUM I BASHKËPUNIMIT

NDËRMJET

MINISTRISË SË ZHVILLIMIT RAJONAL TË REPUBLIKËS SË KOSOVËS

DHE

UNIVERSITETIT "UKSHIN HOTI" PRIZREN/KOSOVË

Ministria e Zhvillimit Rajonal e Republikës së Kosovës dhe Universiteti "Ukshin Hoti" Prizren, në tekstin e mëtejme "Palët", me qëllim të krijimit, zhvillimit dhe forcimit të bashkëpunimit dypalësh në fushën e avancimit të zhvillimit rajonal ranë dakord si më poshtë:

Neni 1 Qëllimi

Qëllimi i këtij Memorandumi të Bashkëpunimit është krijimi, zhvillimi dhe zgjerimi i bashkëpunimit midis dy Institucioneve, përcaktimi i kornizës së bashkëpunimit në funksion të promovimit të një rritje të balancuar socio-ekonomike rajonale në Kosovë në përputhje me prioritet e MZHR-së dhe Universitetit "Ukshin Hoti". Kjo marrëveshje përcakton bazën si dhe mënyrat e ardhshme të bashkëpunimit në fushën e zhvillimit rajonal

Neni 2

Fushat e bashkëpunimit

1. Palët do të bashkëpunojnë, në kuadër të këtij Memorandumi, në fushat si në vijim:

- 1.1 Hartimi i politikave në fushën e zhvillimit rajonal;
- 1.2 Përgatitja dhe zbatimi i dokumenteve strategjike, koordinimi dhe monitorimi i politikave rajonale dhe format tjera të bashkëpunimit;
- 1.3 Realizimi i hulumtimeve të përbashkëta në fushën e zhvillimit rajonal;
- 1.4 Krijimin e Forumit për Zhvillim Ekonomik Rajonal, për rajonin e Dukagjinit;
- 1.5 Ndërmjetësimi, rrjetëzimi, nxitja e proceseve mësimore dhe formësimi i kapaciteteve institucionale;
- 1.6 Ndhima në planifikimin rajonal, zhvillimin e ideve të reja inovative, hartimin, zbatimin dhe menaxhimin e strategjive për zhvillim rajonal;
- 1.7 Pjesëmarrja në mekanizmat qeverisës, bordet/grupet këshilluese dhe kontributi me ekspertizë në fushën e zhvillimit rajonal;
- 1.8 Krijimin e lidhjeve ndërmjet rrjeteve lokale, rajonale dhe ndërkombëtare akademike;
- 1.9 Çështje të tjera të përgjithshme për të cilat palët mund të pajtohen, në përputhje me qëllimin e këtij Memorandumi të Bashkëpunimit.

Neni 3

Format e bashkëpunimit

1. Palët zotohen për zbatimin e formave të bashkëpunimit si në vijim:

- 1.1 Pjesëmarrje në trajnime, grupe punuese, hulumtime, seminare, punëtori dhe vizita të përbashkëta studimore në fushat e bashkëpunimit bazuar në këtë Memorandum;
- 1.2 Shkëmbimi i informacioneve, dokumentacionit dhe materialeve tjera relevante, si dhe përgatitja e programeve / projekteve të ndryshme në lidhje me fushat e bashkëpunimit;
- 1.3 Takime dhe vizita të nëpunësve civilë, stafit, studentëve nga dy institucionet, si dhe ekspertëve që punojnë në çështjet e zhvillimit rajonal;
- 1.4 Mbështetja reciproke me ekspertizë në lidhje me fushat e bashkëpunimit;
- 1.5 Mbështetja e studentëve në realizimin e punës praktike;
- 1.6 Mbështetja e Univeritetit në organizimin e konferencave shkencore në lidhje me fushat e bashkëpunimit;
- 1.4 Format tjera të bashkëpunimit për të cilat pajtohen palët.

Neni 4

Koordinimi i aktiviteteve

1. Do të krijohet një grup i përbashkët punues, duke përfshirë përfaqësues të të dyja palëve për ta siguruar efikasitetin e bashkëpunimit. Secila Palë do ta caktojë një koordinator, i cili do të jetë personi kryesor kontaktues dhe do ta sigurojë koordinimin, monitorimin dhe vlerësimin e aktiviteteve të dakorduara për bashkëpunim.
2. Koordinatorët apo përfaqësuesit e tyre i organizojnë aktivitetet për zbatimin e këtij Memorandumi.

Neni 5 Financimi

Secila Palë i mbulon shpenzimet e saj që mund të dalin nga bashkëpunimi sipas këtij Memorandumi, në përputhje me legjislacionin kombëtar dhe fondet e aprovuara buxhetore, apo sipas dakordimit ndërmjet dy palëve. Për financimin e aktiviteteve të caktuara të dyja palët mund të aplikojnë për financim nga burime tjera.

Neni 6 Zgjidhja e mosmarrëveshjeve

Të gjitha çështjet që dalin nga interpretim apo zbatim i këtij Memorandumi zgjidhen ndërmjet Palëve.

Neni 7 Dispozitat përfundimtare

1. Ky Memorandum i Bashkëpunimit hyn në fuqi në datën e nënshkrimit.
2. Ky Memorandum është i detyrueshëm për një periudhë të pacaktuar.
3. Secila Palë mund ta përfundojë Memorandumin duke e njoftuar me shkrim Palën tjetër përmes kanaleve institucionale. Memorandumi pushon të jetë në fuqi gjashtëdhjetë (60) ditë pas pranimit të njoftimit nëpërmjet kanaleve institucionale.
4. Përfundimi i Memorandumit të Bashkëpunimit nuk do të ndikojë në zbatimin e programeve dhe projekteve të miratuara në bazë të memorandumit që janë nisur përpara datës së përfundimit të Memorandumit, përveç nëse Palët bien dakord ndryshe.
5. Ky Memorandum i Bashkëpunimit mund të ndryshohet me pëlqimin me shkrim të palëve. Ndryshimet në Memorandum hyjnë në fuqi pas nënshkrimit.
6. Ky Memorandum nënshkruhet në Prizren , më dt. 26.012024, në dy kopje origjinale.

Për:

Universitetin e "Ukshin Hoti"

Rektor

Prof. Asoc.Dr.Mentor Alishani



Për:

Ministrinë e Zhvillimit Rajonal

Ministër

Fikrim Damka

